

Q. 6. An sit verosimilis expectatio ulterioris exempli? R. Vix, ac ne vix quidem docuit nos experientia, quam difficiles se præbuerint ad renunciationis sic nuncupatum maledicium verbum Papæ, etiam in schismate electi, non obstante promissione jurata; quos inter Sæcul. XV. *Benedictus XIII.* de Lund mansit inflexibilis, *Gregorius XII.*, ut ut à Conc. Pisano depositus, usque ad Conc. Constant. pertinax,

Confortet DEUS nuper in festo S. Cœlestini V. providentiâ divinâ electum Sanctissimum Dominum nostrum Papam CLEMENTEM XIV. de Seraphico Ordine FF. Minorum Conventualium S. Francisci, clarum purpurâ per decennium gestâ, virtute, eruditione literariâ, cautelâ, prudentiâ, moderatione, clariorem: adsit Ei Spiritus S., ut Ecclesia Romanam, simul & universalem in præsenti temporum crisi, cuius eum CLEMENS XIII. creator hæredem reliquit, absque ullâ renunciationis tentatione, fortiter ac diu gubernet, magnaue Sacerdotium cum sæculari Imperio pro suâ fidentiâ, nostrâque pace, fideliter conciliet.



APPENDIX

ad causam *Bonifacii VIII.*

EXEMPLA

CONSEQUENTIFICINÆ MALIGNÆ,

ex Odorico Raynaldo ad A. C. 1312. num. 13. & 14.


Dum Rex Galliæ, *Philippus* pulcher, saltem post obitum *Bonifacii*, contendebat evertere ejus præteritum Pontificatum, acta rescindere, memoriam abolere, non deerant adulatores, quibus, ut hæresin Pontifici Catholico coram Viennensi Concilio probarent, pestis illa humanitatis, consequentiarum malitiosa artifex, inserviit. Ajebant 1.) *Bonifacius prædicare non erubuit, se magis velle esse canem, vel asinum, quam GALLICUM:* Subsumebant: *Hoc non dixisset, si credidisset, GALLICUM habuisse animam immortalem:* Concludebant: *Ergo non credit immortalitatem animæ.* 2.) Ut magiæ illum convincerent, sic argumentati sunt: *Dixit Bonifacius: Quid si omnes homines in mundo essent ab una parte & ego ab aliâ, non possent illi me decipere, nec injure, nec in facto:* Subsumptio:

sumptio: *Atqui hoc non posset fieri, nisi ope diabolica uteretur: Conclusio: Ergo habuit auxiliatorem, & consiliarium dæmonem. Addiderunt 3.) idolatriam.* Quare? Pretiosis suis ad Altarium ornatum muneribus ex auro, argentoque effigiem suam insculpi fecit Bonifacius, non alio, inferebant, fine, nisi ut ex arâ & ipse coleretur.

Consequentifice maligno, ex dictis, scriptis, factis proximi sic,
vel similibus modis, argente, nihil est scelestius.

I. O. H. D.






TIFFEN® Gray Scale

© The Tiffen Company, 2007

A	1	2	3	4	5	6	M	8	9	10	11	12	13	14	15	B	17	18	19
R	●	G	●	B	●	W	●	G	●	K	●	C	●	Y	●	M	●		



TIFFEN® Color Control Patches

© The Tiffen Company, 2007

